



## SHARTNOMA

faktoring xizmatlarini ko'rsatish bo'yicha № \_\_\_\_\_ “ \_\_\_\_\_ ” \_\_\_\_\_ 20 \_\_\_\_\_

Toshkent sh.

y.

ATB “Tenge Bank”, bundan keyin «Moliyaviy agent» deb yuritiluvchi, Boshqaruv Raisining Birinchi o'rinbosari Xakimov Sh.X. timsolida, 09.07.2024 y. dagi № 01-04-3475-sonli Ishonchnoma asosida ish yurituvchi, bir tomondan, va “ \_\_\_\_\_ ” MChJ, bundan keyin «Mijoz» deb yuritiluvchi, Ustav asosida ish yurituvchi \_\_\_\_\_ timsolida, ikkinchi tomondan, bundan keyin birgalikda Tomonlar deb yuritiluvchilar, ushbu Shartnomani quyidagilar to'g'risida tuzdilar.

### 1. SHARTNOMA PREDMETI

- 1.1 Mijoz va Qarzdor o'rtasida tuzilgan “ \_\_\_\_\_ ” \_\_\_\_\_ 202 y. dagi № \_\_\_\_\_ -sonli shartnomaga muvofiq, Qarzdordan to'lovlarni talab qilish huquqi Moliyaviy agentga ma'lum bir muddatga Mijozni moliyalashtirish evaziga, qaytarish sharti bilan va mukofot (diskont) to'lash evaziga beriladi.
- 1.2 Talab qilish huquqi o'tishi natijasida Moliyaviy agent kreditor sifatida Mijozning o'rnini egallaydi va ushbu Shartnomaning 1.1-bandida ko'rsatilgan shartnoma bo'yicha Qarzdordan kelib tushgan pul mablag'larini olishga to'liq huquqqa ega bo'ladi.
- 1.3 Moliyaviy agentga to'lovni talab qilish huquqining tafsilotlari:
  - 1.3.1 Berib yuborilgan to'lov talabining (qarzning) umumiy summasi \_\_\_\_\_ so'm.
  - 1.3.2 Qarzdor tashkilotning nomi \_\_\_\_\_
  - 1.3.3 Qarzdorning yuridik manzili \_\_\_\_\_
  - 1.3.4 Qarzdorning bank rekvizitlari / to'lov tafsilotlari: \_\_\_\_\_
- 1.3.5 Qarzni so'ndirish muddati \_\_\_\_\_
- 1.4 Ushbu Shartnoma tuzilgan paytda Mijoz ushbu shartnomaning 1.1-bandida ko'rsatilgan shartnoma bo'yicha barcha majburiyatlarni to'liq bajargan.
- 1.5 Mijoz va Qarzdor o'rtasida to'lovni talab qilish huquqini uchinchi shaxslarga berishni taqiqlovchi yoki cheklovchi kelishuv mavjud emas.

### 2. TOMONLARNING MAJBURIYATLARI

- 2.1 Ushbu Shartnomani tuzishda Mijoz Moliyaviy agentga o'zi, shuningdek Qarzdor tomonidan jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurollarini tarqatishni moliyalashtirishga qarshi kurashish to'g'risidagi qonun hujjatlari talablariga, shuningdek xalqaro va davlat iqtisodiy sanksiyalariga to'liq rioya etilishini kafolatlashga majbur. Ushbu majburiyat buzilganligi haqida asosli shubhalar yuzaga kelgan taqdirda, Moliyaviy agent operatsiyalarni to'xtatib turishga va (yoki) Mijozni 3 (uch) ish kuni oldin ogohlantirgan holda Shartnomani bir tomonlama bekor qilishga haqli.
- 2.2 Moliyaviy agent Mijozga ushbu Shartnomada belgilangan miqdorda va shartlarda moliyalashtirish taqdim etish majburiyatini oladi.
- 2.3 Mijoz Qarzdor o'z majburiyatlarini bajarmaganligidan va/yoki lozim darajada bajarmaganligidan qat'i nazar, moliyalashtirish summasini belgilangan muddatlarda Moliyaviy agentga qaytarish, shuningdek moliyalashtirishdan foydalanganlik uchun diskont ko'rinishidagi mukofotni va to'lovlar kechiktirilgan taqdirda neustoyka (jarimalar)ni to'lash majburiyatini oladi.
- 2.4 Ushbu Shartnoma tuzilgan paytda va uning butun amal qilish muddati davomida Mijoz Qarzdorning Mijozga nisbatan har qanday da'volarini shunday tartibda hal qilishi kerakki, Qarzdor avval yuzaga kelgan huquqiy munosabatlardan kelib chiqib Mijozga nisbatan o'z pul talablarini hisobga o'tkazishni talab qila olmasligi va o'z shartnomaviy majburiyatlarini bajarishdan bo'yin tovlamasligi lozim.

### 3. SHARTNOMANI BAJARISH TARTIBI

- 3.1 Ushbu shartnomani tuzishda Mijoz olingan huquqni amalga oshirish uchun Moliyaviy agentga quyidagi hujjatlarni taqdim etadi:



- Qarzdor va Mijoz o'rtasida tuzilgan shartnoma.
- Qarzdor va Mijoz o'rtasida imzolangan solishtirma dalolatnomasi.
- Hisob-fakturalar.
- Zarur bo'lganda, boshqa hujjatlar.

#### **4. HISOB-KITOB TARTIBI.**

- 4.1 Mijozni moliyalashtirish berib yuborilgan talab summasining 90% dan ko'p bo'lmagan miqdorda amalga oshiriladi.
- 4.2 Moliyaviy agent 4.1-bandda ko'rsatilgan miqdordagi pul mablag'larini quyidagi hujjatlarni olgan kundan boshlab 3 (uch) ish kunidan kechiktirmay Mijozning bank hisobvarog'iga o'tkazadi:
  - Ushbu Shartnomaga 1-ilovada keltirilgan namuna bo'yicha arizani.
  - Mijoz va Qarzdor o'rtasida imzolangan \_\_\_\_\_20\_\_y. dagi № \_\_\_\_\_-sonli Shartnomani;
  - \_\_\_\_ dagi № \_\_\_\_-sonli hisob-fakturani
  - \_\_\_\_ dagi № \_\_\_\_-sonli bajarilgan ishlar dalolatnomasini
  - Solishtirma dalolatnomasi \_\_\_\_\_20 dagi № \_\_\_\_\_
- 4.3 Moliyalashtirish muddati tugagandan so'ng, Mijoz pul mablag'larini, shu jumladan mukofotni (diskontni) va jarimalarni (to'lov kechiktirilgan taqdirda) Moliyaviy agentga Arizada ko'rsatilgan sanada qaytaradi.
- 4.4 Faktoring bo'yicha diskont miqdori (hujjatlarni qayta ishlash uchun komissiyani hisobga olgan holda) Moliyaviy agentning tariflariga muvofiq belgilanadi.

#### **5. TOMONLARNING JAVOBGARLIGI.**

- 5.1 Mijoz ushbu shartnomaning predmeti bo'lgan to'lovlarni talab qilish huquqining haqiqiyliги uchun Moliyaviy agent oldida javobgar bo'ladi.
- 5.2 Moliyaviy agent Mijoz va Qarzdor o'rtasida tuzilgan shartnoma bo'yicha majburiyatlar bajarilmaganligi uchun javobgar bo'lmaydi.
- 5.3 Ushbu Shartnoma bo'yicha o'z majburiyatlarini bajarmagan yoki lozim darajada bajarmagan Tomon boshqa tomonga shunday bajarmaslik natijasida yetkazilgan zararni qoplashga majbur. Moliyaviy agentning ushbu Shartnomaning 2.1-bandiga muvofiq o'z majburiyatlarini bajarmagan yoki lozim darajada bajarmagan holatlari bundan mustasno.
- 5.4 Mijoz ushbu Shartnomaning 1.3.5-bandida ko'rsatilgan muddatda o'z majburiyatlarini bajarmagan, ya'ni Moliyaviy agentga pul mablag'larini belgilangan muddatlarda to'lamagan taqdirda, Mijoz Moliyaviy agentga to'lanmagan qoldiq summasining har bir kechiktirilgan taqvim kuni uchun 0,11% miqdorida jarima to'laydi.
- 5.5 Ushbu Shartnoma shartlariga muvofiq hisoblangan jarimani to'lash Tomonlarni ushbu Shartnoma bo'yicha olingan majburiyatlarni lozim darajada bajarishdan ozod etmaydi.
- 5.6 Agar talab bo'yicha to'lovlar (shu jumladan jarimalar) Mijoz tomonidan belgilangan muddatlarda amalga oshirilmasa, Moliyaviy agent talab bo'yicha to'lanmagan summalarni (shu jumladan to'lanmagan jarimalarni) Mijozning Moliyaviy agentda va boshqa banklarda ochilgan barcha bank hisobvaraqlaridan, O'zbekiston Respublikasi qonun hujjatlarida nazarda tutilgan, Mijozning aksepti talab etilmaydigan to'lov hujjatlari asosida to'g'ridan-to'g'ri debetlash yo'li bilan akseptsiz tartibda undirib olishga haqli bo'lib, Mijoz bunga o'zining so'zsiz va qaytarib olib bo'lmaydigan roziligini bildiradi.

#### **6. SHARTNOMANING AMAL QILISH MUDDATI, O'ZGARTIRISH VA BEKOR QILISH TARTIBI**

- 6.1 Ushbu Shartnoma har ikki tomon tomonidan imzolangan paytdan boshlab kuchga kiradi va Tomonlar o'z majburiyatlarini to'liq bajarguniga qadar amal qiladi.
- 6.2 Ushbu Shartnomaga barcha o'zgartirish va/yoki qo'shimchalar faqat yozma shaklda amalga oshirilgan, vakolatli vakillar tomonidan imzolangan va har ikki Tomonning muhri bilan tasdiqlangan taqdiridagina haqiqiy hisoblanadi.
- 6.3 Barcha o'zgartirishlar, qo'shimchalar va ilovalar ushbu Shartnomaning ajralmas qismi hisoblanadi.

## 7. NIZOLARNI HAL ETISH TARTIBI

- 7.1 Ushbu Shartnomani bajarish jarayonida Tomonlar o'rtasida yuzaga keladigan barcha nizolar yoki kelishmovchiliklar muzokaralar yo'li bilan hal etiladi.
- 7.2 Tomonlar o'zaro kelishuvga erisha olmagan taqdirda, yuzaga kelgan nizo O'zbekiston Respublikasining amaldagi qonun hujjatlarida belgilangan tartibda Toshkent tumanlararo iqtisodiy sudi tomonidan ko'rib chiqiladi
- 7.3 Da'voni olgan Tomon uni ko'rib chiqishi va olingan kundan boshlab 10 (o'n) taqvim kuni ichida yo da'voni qondirishi, yoki asoslantirilgan rad javobini berishi lozim. Ko'rsatilgan muddatda da'voga javob berilmasligi da'voni qondirishdan bosh tortish deb hisoblanadi.

## 8. MAXFIYLIK.

- 8.1 Har bir Tomon boshqa Tomon tomonidan taqdim etiladigan tijoriy va texnik hujjatlarni, shuningdek har qanday ma'lumotni, lekin shu bilan cheklanmagan holda, ma'lumotlar, faktlarni (bundan keyin «Maxfiy Axborot» deb yuritiluvchi) ushbu boshqa Tomonning mutlaq mulki sifatida ko'rib chiqishi lozim. Bunday axborotni oluvchi Tomon (i) Maxfiy Axborotdan faqat ushbu shartnomani bajarish maqsadida va uning shartlariga muvofiq foydalanish, va (ii) bunday Maxfiy Axborotni ushbu axborot egasi bo'lgan Tomonning oldindan yozma roziligisiz har qanday uchinchi shaxsga oshkor qilmaslik, shuningdek oshkor qilishga ruxsat bermaslik va ko'maklashmaslik, (iii) Maxfiy Axborotni faqat ushbu Maxfiy Axborotni faqat shartnomani bajarish maqsadida olishga muhtoj bo'lgan o'z xodimlariga oshkor qilish majburiyatini oladi.
- 8.2 Maxfiy Axborot yozma, og'zaki yoki vizual shaklda taqdim etilishi mumkin, biroq har qanday og'zaki yoki vizual Maxfiy Axborot uni oshkor qiluvchi Tomon tomonidan yozma shaklda tasdiqlanishi va ushbu axborotni oluvchi Tomonga og'zaki yoki vizual tarzda oshkor etilgan paytdan boshlab 15 kun ichida topshirilishi sharti bilan.
- 8.3 Barcha Maxfiy Axborot ushbu axborotning maxfiy xususiyatini ta'kidlash uchun «Maxfiy» belgisiga yoki boshqa har qanday aniq belgiga ega bo'lishi lozim.
- 8.4 Axborotni oluvchi Tomon, agar ushbu Tomon quyidagilarni isbotlay olsa, axborotni Maxfiy Axborot sifatida ko'rib chiqishga majbur emas:
  - axborot oshkor qiluvchi Tomon tomonidan oshkor etilgunga qadar oluvchi Tomonning qonuniy mulkida bo'lgan va maxfiylikni saqlash bo'yicha biron-bir majburiyatga bog'liq bo'lmagan bo'lsa; yoki
  - axborot oluvchi Tomonga oshkor etilgan paytda umumfoydalanishda bo'lsa yoki keyinchalik umumfoydalanishga aylansa, lekin oluvchi Tomonning ushbu shartnoma shartlarini buzgan holdagi biron-bir harakati yoki harakatsizligi natijasida bo'lmasa; yoki
  - ushbu shartnoma kuchga kirgandan keyin istalgan paytda oluvchi Tomonga, ushbu yerda ko'rib chiqilayotgan axborotga nisbatan oshkor qiluvchi Tomon oldida maxfiylik yoki sirlilik shartlari ostida bo'lmagan uchinchi shaxs tomonidan oshkor etilsa; yoki
  - Maxfiy Axborotga ruxsati bo'lmagan oluvchi Tomon xodimlari tomonidan ishlab chiqilsa.
- 8.5 Tomonlar Tomonlardan birortasi tomonidan Maxfiy axborotni ruxsatsiz oshkor qilish yoki undan foydalanish natijasida yuzaga kelgan majburiyatlarning bajarilmasligi oshkor qiluvchi Tomonga qoplab bo'lmaydigan yo'qotish va zararlar keltirishi mumkinligi bilan rozidirlar. Tomonlarning har biri Maxfiy Axborot qadriyat ekanligini va zararlar oluvchi Tomon tomonidan ushbu shartnomaning har qanday buzilishidan himoyalashning lozim darajadagi sud vositasi bo'la olmasligini tan oladi. Shunga ko'ra, Tomonlar oshkor qiluvchi Tomon axborotni har qanday ruxsatsiz oshkor qilish yoki undan foydalanishning oldini olish uchun tegishli himoya vositalariga ega bo'lishiga rozidirlar. Ushbu sud himoyasi vositalari oshkor qiluvchi Tomon ushbu shartnomaga yoki qonunga muvofiq foydalanishi mumkin bo'lgan boshqa har qanday huquq va himoya vositalariga nisbatan yakuniy hisoblanmaydi.
- 8.6 Ushbu shartnomaning bekor qilinishi yoki amal qilish muddati tugaganidan qat'i nazar, ushbu moddaning qoidalari ushbu shartnoma bekor qilingan yoki amal qilish muddati tugaganidan keyin uch yil davomida amalda qoladi.

## 9. KORRUPSIYAGA QARSHI SHARTLAR

- 9.1 Ushbu Shartnomada nazarda tutilgan majburiyatlarni bajarishda Tomonlar, ularning affillangan shaxslari, xodimlari, vositachilari va (yoki) boshqa vakillari quyidagilarga majbur:
- biron-bir shaxsning harakatlariga va (yoki) qarorlariga ta'sir ko'rsatish maqsadida, biron-bir noqonuniy ustunliklar yoki boshqa noqonuniy manfaatlar olish uchun, to'g'ridan-to'g'ri yoki bilvosita, har qanday shaxsga biron-bir pul mablag'lari yoki qimmatliklarni to'lamaslik, taklif qilmaslik va va'da bermaslik, shuningdek ularni to'lashga ruxsat bermaslik;
  - qonun hujjatlari bilan pora berish/vositachilik qilish/pora olish, tijoriy pora, mansab vakolatlari yoki xizmat mavqeini suiiste'mol qilish deb tasniflanadigan harakatlarni, shuningdek korrupsiyaga qarshi kurashish to'g'risidagi amaldagi qonun hujjatlari va xalqaro hujjatlar talablarini buzuvchi harakatlarni, ham Shartnoma tomonlari o'rtasidagi munosabatlarda, ham uchinchi shaxslar va davlat organlari bilan munosabatlarda amalga oshirmaslik.
- 9.2 Ushbu Shartnomaning har bir tomoni boshqa tomonni (shuningdek uning xodimlari va boshqa vakillarini) biron-bir tarzda rag'batlantirishdan, shu jumladan pul mablag'larini berish, sovg'alar, ular manziliga tekinga ish (xizmat) bajarish va boshqa tomonning xodimlari va (yoki) vakillarini ma'lum bir qaramlikka soluvchi hamda ularning rag'batlantiruvchi tomon foydasiga biron-bir harakatlarni bajarishini ta'minlashga qaratilgan boshqa usullar bilan rag'batlantirishdan voz kechadi.
- 9.3 Tomonda korrupsiyaviy yoki firibgarlik harakatlari sodir etilgan yoki sodir etilishi mumkin degan shubhalar yuzaga kelgan taqdirda, tegishli Tomon boshqa Tomonni yozma shaklda xabardor qilish majburiyatini oladi.
- 9.4 Xabardor qilingan tomon korrupsiyaviy harakat sodir etilganligi fakti tasdiqlangunga yoki rad etilgunga qadar ushbu Shartnoma bo'yicha o'z majburiyatlarini bajarishni to'xtatib turishga haqli.
- 9.5 Tomonlar pora berish/vositachilik qilish/pora olish, tijoriy pora, mansab vakolatlari yoki xizmat mavqeini suiiste'mol qilish natijasida yetkazilgan zararni, shuningdek barcha korrupsiya holatlari to'g'risida axborot bermaslik yoki boshqa Tomonga qasddan yolg'on ma'lumot berish natijasida yetkazilgan zararni qoplash majburiyatini oladilar.
- 9.6 Tomonlar ushbu Shartnoma bilan bog'liq holda yuzaga kelishi mumkin bo'lgan manfaatlar to'qnashuvining oldini olish va uni bartaraf etish bo'yicha lozim choralarni ko'rish majburiyatini oladilar.

## 10. YAKUNIY QOIDALAR

- 10.1 Ushbu Shartnomada nazarda tutilmagan va u bilan bog'liq barcha nizolar va kelishmovchiliklar O'zbekiston Respublikasi qonun hujjatlari bilan tartibga solinadi.
- 10.2 Ushbu Shartnoma bo'yicha o'z majburiyatlarini bajarmaganlik va/yoki lozim darajada bajarmaganlik uchun barcha tomonlar O'zbekiston Respublikasi qonun hujjatlari asosida javobgar bo'ladilar.
- 10.3 Ushbu Shartnoma tuzilgandan so'ng Mijozga va (yoki) Qarzdorga nisbatan xalqaro/davlatiqtisodiy sanksiyalari qo'llanilgan taqdirda, shuningdek Mijoz va Qarzdor o'rtasidagi shartnoma predmeti bo'lgan tovar/ish/xizmatni eksport/import qilishga taqiq yoki cheklov o'rnatilgan taqdirda, Moliyaviy agent ushbu Shartnoma bo'yicha majburiyatlarni bajarishni to'xtatib turishga va (yoki) Mijozni 3 (uch) ish kuni oldin ogohlantirgan holda uni bir tomonlama bekor qilishga haqli.
- 10.4 Ushbu Shartnoma bir xil yuridik kuchga ega ikki nusxada tuzilgan bo'lib, shartnomaning bir nusxasi Moliyaviy agentda, boshqasi Mijozda saqlanadi.

## 11. TOMONLARNING YURIDIK MANZILLARI VA REKVIZITLARI:

**Moliyaviy agent**

**ATB "Tenge Bank"**

**Manzil:** 100007, O'zbekiston Respublikasi,  
Toshkent sh., Yashnobod tumani, Parkent ko'chasi,  
66-uy

**STIR:** 207297973

**MFO:** 01176

**H/r:** \_\_\_\_\_

**Boshqaruv Raisining**

**Birinchi o'rinbosari**

**Xakimov Sh.X.**

\_\_\_\_\_  
m.o'.

Mijoz

\_\_\_\_\_

m.o'.

**1-ilova**  
**Faktoring xizmatlarini ko'rsatish bo'yicha Shartnomaga**  
**№ \_\_\_\_\_ " \_\_\_\_ " \_\_\_\_\_ 20\_\_ y. dagi**

**ARIZA**  
faktoring xizmatlarini ko'rsatish bo'yicha

Toshkent sh. \_\_\_\_\_ " \_\_\_\_ " \_\_\_\_\_ 20\_\_  
y.

Faktoring xizmatlarini ko'rsatish bo'yicha " \_\_\_\_ " \_\_\_\_\_ 202\_\_ y. dagi № \_\_\_\_\_-sonli  
Shartnoma asosida, quyidagi shartlarda moliyalashtirish taqdim etishingizni so'raymiz:

**Faktoring summasi:** 0,00 ( ) so'm:

**Faktoring muddati:** 0 ( ) taqvim kuni.

**Faktoring boshlanish sanasi:** \_\_. \_\_.2025 y.

**Faktoring tugash sanasi (to'lov sanasi):** \_\_. \_\_.2025 y.

**Diskont stavkasi va summasi:** 0%, 0,00 so'm



**Diskontni so'ndirish muddati:** \_\_. \_\_.2025 y.

**Faktoringni so'ndirishni kechiktirganlik uchun jarima:** to'lanmagan to'lov summasidan har bir kechiktirilgan taqvim kuni uchun 0,11%.

Faktoring ta'minoti (quyida sanab o'tilgan hujjatlar asosida yuzaga keluvchi debitorlik qarzi):

1. \_\_\_\_\_ 202\_y. dagi № \_\_\_\_\_-sonli Shartnoma, Mijoz va To'lovchi (Qarzdor) o'rtasidaimzolangan;
2. \_\_\_\_ dagi № \_\_\_\_-sonli hisob-faktura
3. \_\_\_\_ dagi № \_\_\_\_-sonli bajarilgan ishlar dalolatnomasini
4. Solishtirma dalolatnomasi \_\_\_\_\_ 202\_y. dagi № \_\_\_\_\_, To'lovchi (Qarzdor) o'rtasida imzolangan.
5. \_\_\_\_\_ ga tegishli ko'chmas mulk/ko'char mulk/transport vositasi  
\_\_\_\_\_ garovi;

Men \_\_\_\_\_ (Mijoz ko'rsatilsin) ning vakolatli vakili sifatida \_\_\_\_\_ (Mijoz ko'rsatilsin), faktoring xizmatlarini ko'rsatish bo'yicha Shartnomaning har bir bandini shaxsan o'qib chiqdim va uning mazmuni bilan tanishdim.

Shartnoma Tomonlarning yuridik tengligi, ezgu niyati va o'zaro manfaatdorligidan kelib chiqib to'g'ri tuzilganligini tasdiqlayman.

Belgilangan muddatda to'lovni to'liq hajmda, shu jumladan mukofot (diskont) summasini va to'lovlar kechiktirilgan taqdirda jarimalarni amalga oshirish majburiyatini olaman. (Qonun hujjatlarida belgilangan tartibda mening hisobvaraqlarimdan akseptsiz hisobdan chiqarishga roziman).

Moliyaviy agent tomonidan o'z majburiyatlari, shu jumladan to'lovlarni kechiktirish buzilgan taqdirda ko'riladigan choralarning huquqiy oqibatlari haqida ogohlantirildim.

<b>Moliyaviy agent</b> <b>ATB "Tenge Bank"</b> <b>Manzil:</b> 100007, O'zbekiston Respublikasi, Toshkent sh., Yashnobod tumani, Parkent ko'chasi, 66-uy <b>STIR:</b> 207297973 <b>MFO:</b> 01176 <b>H/r:</b> _____	<b>Boshqaruv Raisining</b> <b>Birinchi o'rinbosari</b> <b>Xakimov Sh.X.</b>  _____ m.o'.
<b>Mijoz</b>	  _____ m.o'.